

die selbige niederwärts / nach dem Perpendiculum $d c$. zelle als a niederwärts / eben so vil theylen als befunden ist $a v$ Ruthen / welches ist 40 / komt zu c / dar nach / hebe die regel auff / vndt sihe durch die absehen / das zeichen r / dar die Distantia ab zu messen ist / die regel vnverruet halte / zeichne dar hin die Linia deynes gesichts / welche ist $a d$ / ziche nun auß dem puncten c ein Linia rechtckigt auff $a c$ / zu das sie durchschneidt die Linia deines gesichts $a d$ / welches gesicht in d / besehe nun wievil theylen die regel begreyft $c d$ / welches sich befindet 43 . darauff erschneyhet / das die Distantia $v r$ ist 43 Ruthen.

Begehrt ihr auch zu wissen / wievil Ruthen das ist von a zu r . so leget die regel neben die Linia des gesichts $a d$ / vndt so vil theylen als die regel $a d$ / sich befindet so vil Ruthen solle die Linia $a r$ lang sein / disse messung mag auch geschehen / mit dem Instrument im vorghenden Capittel gelehrt / welches ich hie neme das ist $a c$ / die eine styl / vndt den andern $a d$ / dasselbig recht am Thurn nieder lassen hangen / den einen styl / denselbigen als dan / so weyt geoffnet / das durch die Pinulen / oder absehen darauff stehende / moget sehen das zeichen r dar nach 40 theylen getheylt / auff dem styl $a c$ von a nach c / auß ursache das den Thurn $w v$ ist 40 Ruthen / welche ich neme das komt zu c / von dar an gemessen recht zu dem styl $a d$ / welches mit behulff von einem winckelecke mag gethan werden / denselbigen mit dem einen Ecke setzen recht auff den styl $a c$ in das gefunden punct c vndt die regel dar bey angehalten / an der seitten / vndt wievil theilen auff der regel / zwischen benden stylen als $c d$ befinet / so vill Ruthen ist die Distantia $v r$ / vndt so vil theyl / als die regel abschneidt auff dem styl $a d$ von a nach d so vil Ruthen ist von a zu r . Als die regel nicht verruuet wirdt sol es nimer fehlen.

Ein anders / im selben Kupffer stuck zu messen Distantia / von hochden / die grundt nicht eben weytt mit dem Horisont.

Th neme das begehrt wirdt zu messen die Distantia $g r$ / vndt das mit behulffe / von dem Thurn $v w$ / das zu wege bringen / sollen mir im also thun / hangen das bert / recht nieder am fenster w so das man langes die flecke mag sehen auß a die zwey zeichen r vndt g / dar die Distantia ab begehrt ist zu messen / solches gethan laß auß a ein Perpendicular Linia fallen / welche ist $a c$ vndt die regel fest gemacht in a verhebe die selbige zu das dar mach gesehen werden auß a das zeichen g / ziche als dan die Linia deines gesichts $a d$ die regel nicht verruue messe / dan mit einer bley Linia / von oben dem Thurn / auß a zu

E ij

r vndt